



Kuno Fencker, Partii Siumut
Inatsisartunut ilaasortaq
inatsisartut@ina.alla.gl

Umiartortut sulinermi atugaat pillugit § 37 naapertorlugu apeqquteqaammut 2024-122-mut akissut

13-06-2024
Sags nr.: 2024-11982
ID nr.: 92649384

Asasara Kuno

Inatsisartut suleriaasianni § 37 naapertorlugu umiartortut sulinermi atugaat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Kalaallit Nunaanni umiartortut sulinermi atugaat pillugit Naalakkersuisut inatsisissamik imaluunniit peqqussummik suliaqarpat?

Akissut: Suliassaqarfik Kalaallit Nunaannit tiguneqarsimangimmat, Naalakkersuisut Naalagaaffimmi Oqartussaasut qinnuigaat, kunngikkormiut peqqussutaannik suliaqarnikkut umiartortut atorfeqarnerminni atugaat pillugit inatsisiliornissaq aallarteqqullugu. Suliaq aallartisarneqarpoq aamma Inatsisartunik aaliangiiffigisassanngorlugu ilannginneqarumaarpoq.

Naalakkersuisuniit Imarsiornermut Aqutsisoqarfik kunngikkormiut peqqussutissaanni Namminersorlutik Oqartussat kalaallit atugaannut kissaataannullu tunngassuteqartut eqqarsaatigineqarnissaannik qulakkeerinissaq pillugu pitsaasumik pilersitsiviusumillu suleqatigineqarpoq.

Apeqqut 2: Naalakkersuisut danskit umiartortut pillugit Inatsisaata Kalaallit Nunaanni Kalaallit Nunaanni pissutsinut nalimmassarlugu nuunnissaa pillugu Naalagaaffimmut peqqussummik Naalagaaffimmi oqartussanut peqqussutigineqarnissaa pilersaaruteqarfigivaat?

Akissut: Apeqqut 1-imut akissut takuuk.

Apeqqut 3: Taamaappat, Naalakkersuisut matumani suliamut piffissalersuummik killiffimmillu nassuiaateqarsinnaappat?

Akissut: Matumani inatsisit pingasut, kunngikkormiut peqqussutaatigut atulersinneqartussat pingasuupput. Taakku saniatigut Kalaallit Nunaanni umiartortut atorfeqarnerminni atugaat pillugit nalunaarutit 25-t missaanniipput. Suliaq taanna naammasseriarpat imarsiornermut inatsisip Danmarkimi imarsiorlut atorfeqarnerminni atugaattut qaffasitsigilernissaat, aammalu nunani tamalaani malitassat malinneqalernissaat naatsorsuutigineqarpoq.

Tamatuma kingorna nunani tamalaani isumaqatigiissutit Maritime Labour Convention (MLC) aamma International Labour Organisation 188 (ILO-188) ilaaffigineqalissapput.

Umiartortunut inatsimmik, Kalaallit Nunaannut naleqquttumik peqalernissarput eqqumaffigissallugu pingaaruteqarpoq, taamaattumillu Naalackersuisut nunani tamalaani inatsisit danskillu inatsisaata qanoq iliorluni kalaallit atugaannut naleqqussarneqarsinnaaneritut isumasiussapput.


Naalackersuisut suliap ingerlaqqinnerani piffissamut pilersaarutip aalajangersarneqarnissaanut Imarsiornermut Aqutsisoqarfik suleqatigissavaat.

Apeqqut 4: Taamaangippat, suliassaqarfimmut tassunga suliaqannginneq sumik peqquteqarpa, aamma Naalackersuisut siunissami qaninnermi suliamik taamak ittumik aallartitsinissaminnut pilersaaruteqarpat?

Akissut: Apeqqut 3 takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen